

July 18, 2019

Mudane: Xamza Cabdi Barre

Gudoomiyaha, Guddiga Madaxa bannaan ee Xuddudaha iyo Doorashooyinka Jubaland.

Mudane Hamza,

Ujeedo: Codsi Faah - Faahin shuruudaha murashaxa madaxatinimada Jubaland.

Waxaan helay warqadii qoraalka ahayd ee xafiiskiinu soo saaray July 18, 2019, oo aad ku qeexdeen shuruudaha murashaxa madaxwaynaha Jubaland. Guddiga madax bannaan ee xuddudaha iyo doorashooyinka Jubaland ayaa mas'uul ka ah dadka Jubaland ayna saaran tahay in la hubiyo in cod-bixiyayaasha (75-xubnood ee baarlamaanka) aan la marin habaabin si ula-kac ah, fariimo khaldana aan loo gudbin.

Anigoo ah murashax madaxweyne, waxaan dib u eegay qoraalkiini la xiriiray shuruudaha looga baahan yahay murashaxa madaxwayne ee Jubaland, waxaana si xurmad ku jirto ku codsanaayaa in si deg-deg ah aad iila wadaagtaan si tafatiran sharciyada ololaha doorashooyinka Jubaland.

Qodobada aan codsanaayo in aan faah - faahin ka helo waa kuwan;

1. Yaa ka masuul ah oo qaabilsan baaritaanada dabagalka ah maamulka Jubaland?
2. Maxeey ka kooban tahay baaritaanada cadaynta danbi la'aanta ?
3. Waa maxay qeybaha kala duwan ee uu ka kooban yahay cadaynta danbi la'aanta maamulka Jubaland? Yaa u xilsaaran bixinta cadaynta danbi la'aanta maamulka Jubaland?
4. Door intee in le'eg ayuu Guddigu ku leeyahay geeddi-socodka hannaanka bixinta cadaynta danbi la'aanta.?
5. Waa maxay waqtiga gudigu u qabteen helitaanka cadaynta danbi la'aanta, ama mudada kama danbaysta ah ee uu murashaxu ku heli karo hadii uu codsado cadayntaas?

Iyadoo la eegaayo hufnaanta, iyo in murashaxu kalsooni buuxda uu ku qabo guddiga, waxaa laga maarmaan ah in su'aal walba iyo cabasho kasta la tix galiyo. Sidaa daraadeed, waxaan Guddiga ka codsanaayaa in aan ka helo JAWAAB QORAAL ah oo ku saabsan su'aalaha kor ku xusan, ka hor inta aan soo gudbin dukumiintiyada kala duwan iyo lacagta diiwaan-galinta ee guddiga codsadeen.

Waxaan cadaynayaa in aan u hoggaansanahay hanaan doorashooyin xor ah oo caddaalad ah iyo shuruudaha doorashooyinka Jubaland, waxaase lagama maarmaan ah in hanaankaas si siman ugu wada adeegaayo murashixiinta kala duwan ee u taagan xilka madaxtinimada iyo sharciga guud ee u yaal dalkeena.

Waxaan rajaynayaa in aad codsigayga sida ugu dhaqsaha badan aad iiga soo jawaabi doontaan, si aan u seegin waqtiga kama danbaysta ah ee aad u qabateen murashixiinta xilka u taagan.

Mahadsanidin,

Abdirizak Fartaag
Abdirizak Fartaag

Murashax Madaxweynaha Jubaland

H.E. Moxamed Cabdullahi Moxamed , Madaxweynaha Dawlada Federaalka Soomalya

H.E. Sheekh Axmed Moxamed Islan, Madaxwaynaha Jubaland.

Hon. Moxamed Mursal Sheekh Abdirahman , Gudoomiyaha Golaha Shacabka- Soomaliya

Hon. Cabdi Xashi Cabdulahi , Gudoomiyaha Aqalka Sare - Soomalya

H.E. Xasan Cali Khayre, Raiisal wasaaraha Dawlada Federaalka Soomaliya

Ms. Xalimo Ismaciil Ibrahim, Madaxa, Guddiga Madax bannaan ee Doorashooyinka Dawlada Federaalka Soomaliya

Mudanayaasha u Taagan Tartanka Madaxtinimada Jubaland

AU, EU, UNSOM, and IGAD.